

# المخرج السينمائي عز الدين دويدار .. يلخص المشهد ويوضح الطريق



الأحد 26 يناير 2014 12:01 م

## نافذو مصر :

تحدث المخرج عز الدين دويدار عن أحداث السبت 25 يناير بشكل يوضح ماهية الطريق وخطوات النصر ودل على كلامة بنماذج وأمثلة واقعية .. حيث قال :

مش فاهم منطق المتشائمين بصراحه  
أمال انتوا كنتوا منتظرين أيه ؟  
هاتولي حد عاقل قال إننا هانتصر في يوم !!!  
نزلنا بالملايين و نزل معنا أعداد انهارده لأول بالشكل ده ضد العسكر ..  
مات 53 شهيد .. طيب وهو انت كنت فاكتر إن الجيش والشرطه هايستسلموا قدامنا و يوزعوا علينا ورد؟؟  
بالمناسبه 53 شهيد ده رقم عادي جداً وأقل من العادي بالنسبه للثورات ضد العسكر في العالم كله ..  
بصراحه اللي مش مستعد لـ 100 شهيد يومياً من انهارده يبقى بيهزر ..  
اليوم كان يوم ثوري ناجح بامتياز .. نزلنا في شوارع وميادين رئيسية بالملايين  
كل مصر شافت بعينها الثورة في كل الشوارع و العالم وصلته الرساله .  
وملايين الناس اللي كانت مستنيه الاستقرار شافت منظر المظاهرات والقتل وعرفت بوضوح إن الإستقرار مش هابتحقق بالدم  
لو استمرينا بالأداء ده يومياً العسكر مش هايستحملوا 20 يوم  
الفكرة هنا .. هل نقدر إحنا نستحمل ولو 20 يوم على الأقل ؟  
وبالمناسبه .. 20 يوم بمعدل القمع ده يعني 1000 شهيد على الأقل  
هل ده كتير على ثورة زي الثورة المصرية ؟  
هل ده صعب على شعب دفع 8 آلاف شهيد من 2011 للنهارده ؟  
وهو مين قال إن فيه حدث معين لو حصل يبقى نقدر نقول إن اليوم نجح ؟  
وأنت منتظر أيه من التحالف يعملوهوك ؟ ينزل يقولك تضرب الداخليه إزاي؟؟  
التحالف بيحددك نقاط البدايه و بيديك حرية التصرف على الأرض وبيحشدك الناس بالملايين و يوزع القوة بشكل متوازن و يحدد الأوقات  
وبيخدمها سياسياً .. أنت منتظر أيه أكثر من كده ؟ عاوز مجموعات مقاومه ؟ طيب ليه مابتعملهاش انت .. وأنت أصلاً اللي على الأرض  
وهو مفوضك ؟  
هو التحالف عنده كوسه مثلاً بيعمل خطط لحوان و حارم منها بقية الجمهوريه ؟  
ليه حلوان بتعلم الداخلية الأدب بقالها شهور ؟ لأن فيها شباب بيشتغلوا مع بعض بدون ما يستنوا تفويض مكتوب من التحالف  
ليه مضيع وقتك وجهدك وأعصابك في التفكير في الإعتصام .. وانت عارف إن ده إنتحار ؟  
مش مطلوب منا نعتصم ولا مطلوب إننا نحتل مؤسسات (لحد الآن)  
كل المطلوب إننا نتظاهر و نتظاهر بشكل متواصل متصاعد .. وتتحمل النتائج أيها كانت .. لحد ماتيجي اللحظة اللي الانقلاب يوصل  
لقناعة إن معدش القتل يفيد النظام .. الانقلاب انهارده تعمد الضرب بالرصاص الحي من أول لحظة ...  
تفتكروا ليه ؟  
هل هو عاوز يخلصنا كلنا ؟ .. و لا عاوز يرددنا ؟  
الهدف إنه يرددنا .. ويوصلنا رساله انه متمادي ويخلينا نشك في مسارنا و نقسم بين رأيين .. إما نقعد في البيت .. أو نشيل سلاح ..  
اللي هايقعد في البيت أهو خلص منه  
و اللي هايشيل سلاح ده عز الطلب .. هايوفر عليه صناعة تفجيرات و الكذب ليل نهار على العالم بره وجوه  
وفي الحالتين يدفعنا نشك في طريقنا و نضغط على التحالف ضغوط متناقضه .. فيه اللي هايضغط عشان تتفاوض .. وفيه اللي  
هايضغط عشان تتسلح .. تفتكروا التحالف ساعتها يعمل أيه و هو حاسس إن الناس منقسمه وقاعدته الصلحه على الأرض مرتبكه و

نفسها قصير ؟

مش عاوز أطول عليكم .. لكن هقول حاجه أخيرة  
الناس اللي زهقت من السلميه .. حضرتك جهزت كام مولتوف و كمامه و وسيلة مقاومه #ANTI\_FAD  
وانت نازل انهاردته ؟ ولا مستني حد يحميك ؟  
الناس اللي زهقت وعاوزه تقعد في البيت .. تفكر السياسي عاوز منك أليه أكثر من كده ؟ وهل استراتيجية الإنقلاب في الردع نجحت معاك  
ولا فشلت ؟

ملحوظة :

المحتفلين في التحرير انهاردته مجموعين بصعوبه من مصر كلها .. و مش هايكونوا موجودين بعد كده .. فميهمكش منظرهم

معادلة الإنتصار

إحنا نقدر نستحمل كام أسبوع بالمعدل الرائع بتاع انهاردته ؟  
الإنقلاب يقدر يستحمل كام يوم بالمعدل المرهق بتاع إنهاردته ؟  
طيب الإنقلاب يقدر يستحمل كام يوم بمعدل مقاومه أعلى وأذكى من بتاع انهاردته ؟  
الإنقلاب الآن ينتظر ماذا سنفعل يوم 26 يناير ليختبر .. هل نجح الردع .. أم لا

أرى أننا أمام لحظات تاريخية .. وأن النصر بين أيدينا لو أدركنا معادلة الإنتصار

اللهم نصرك الذي وعدت

إن تكونوا تألمون فإنهم يألمون كما تألمون .

وأضاف في تدويته أخرى متحدثاً عن الثورة الإيرانية كـ "نموذج" :

الخوميني وفريقه اللي كانوا هربانيين بره إيران .. كان كل اللي بيعمله إنه بيعت شرايط كاسيت و بيانات تحمس الثوار  
وكل ما يحصل حاجه .. بيعتوا يسألوه .. يقولهم خليكوا في الشارع ..

يا عم بيقتلونا !!

- خليكوا في الشارع

يا عم بيضربونا بالطيران !!

- خليكوا في الشارع

يا شيخ بيعتقلونا !!!

- خليكوا في الشارع

العالم يسأل الخوميني .. الثوار يبحرقوا !!

يقولهم : شباب غاضبين

العالم يسأله .. الثوار يقطعوا الطرق !!

يقولهم : ثوار غاضبين

لمدة 14 شهراً

ظل الخوميني و من معه ملهمش شغلانه في فرنسا غير إصدار البيانات و تحميس الثوار و توفير غطاء سياسي لهم أمام العالم ورفض  
كل المبادرات (واتق في الشارع)  
وكل اللي طالع عليه : خليكوا في الشارع .. خليكوا في الشارع .